

RMIr. #.

447.

Theol. Qu.

536.

II. 447.



Driphes, Georgius Comatus

839

MOLIMEN SISYPHIUM.

Hoc Est
Frustraneitas conatus istius,

G. B. E. V. P. S. S. C. R. M. C. C.
REFORMATOS in Ungaria, non
esse Confessionis Helveticæ, probare, instar
Sisyphi saxum frustrà volventis, frustrà
contendit.

O S T E N S A
P E R
G E O R G I U M N I C O L A I T H Y-
S A N O D E M,
R. D. T. V. Q. D. D. M. R.



T H E O P O L I H Y P O Z Y G I O D Æ,
A N N O M. D C. LXXII.

Sisyphe's, Georgius Comarus

839

MOLIMEN SISYPHIUM.

*Hoc Est
Frustraneitas conatus istius,*

G. B. E. V. P. S. S. C. R. M. C. C.
REFORMATOS in Ungaria, non
esse Confessionis Helveticæ, probare, instar
Sisyphi saxum frustrà volventis, frustrà
contendit.

O S T E N S A
P E R
G E O R G I U M N I C O L A I T H Y -
S A N O D E M ,
R. D. T. V. Q. D. D. M. R.



T H E O P O L I H Y P O Z Y G I O D Æ,
A N N O M. D C. LXXII.

R 200

Lectori Philalethæ S.

Puctor Christiane, Scriptam illud virulentum, cui titulus: Veritas toti Mundo declarata, feria tertiâ, ante festum Nativitatis Augusti, Augustorum augustissimi sub Octavio Augusto, per quendam Generosum P. B. est mecum primò communicatum, & ad horas aliquot concessum. Deo auspice, oculos primum cum mente, ad perlegendum, postea manum cum pennâ, ad expungendum & abstergendum admovi, sequentijs die, qui fuit 24. Decemb. quosdam breves & summarios super isto scripto, conceptus formavi, quos ceteras inter distractiones, quatuor quibusdam profestis Januarii diebus, explanavi, digessi, & in ordinem regessi. Argumentum primum & secundum studio neglexi. Utrumq; enim non Theologos sed Politicos concernit. Falcem autem meam Theologicam, in messem immittere Politicam, qua laus fuisset? Novi fugiendam ceu pestem polypragmosynen. Argumentum tertium siccis praterire pedibus, cum, pro religione respondere, contradicentes convincere, & fidem Apostolicam pro virili defendere, par-

1 Pet. 3. vers. 15. 16.

Estote semper parati, ad respondendum cuilibet, penti rationem, ejus spei, qua in vobis est, cum mansuetudine & timore, conscientiam bonam habentes.


Ut pro eo, quod obloquuntur vobis, tamquam facinorosis, pudeant, qui infesti sunt, vestra bona in Christo conversationi.

M. ACADEMIA
KÖNYVTARA

tes meas esse sciverim, nequaquam potui. Argumentum quoad Lutheranos, suis asservavi Patronis, sed quoad nos, nihil in eo intactum, irrefutatum & non pudefactum reliqui. Donationem Constantini fictam & fabulosam, ne actum egisse viderer, neglexi. Doctissime & solidissime eam, confutarunt. *Guil. Perkins. in Probl. p. 15. Gisb. Voetius, D. & Prof. Theol. in Acad. Ultraject. olim, Preceptor meus venerandus.* Disput. Historico-Theol. de Donat. Constant. A. 1636. habitâ. Plessus in Myster. iniquitatis Papatus. And. Rivetus in Oritic. Sacr. & Defens. Plessai. Melanchton in Chron. tom. 2. *Anonymous* Commentario in Donat. Constant. Hejdelb. A. 1610. edito. Horoman. in Brut. fulm. Rajnold. in colloq. cum Harro. Scultet. in medul. Patrum, in analysi Scriptor. Euseb. &c. *Tu L. C. hac boni consule, gloriam omnem soli Deo tribue, scribenti fave, & fæliciter vale. Theopoli, A. 1672. Idib. Januar.*

T U U S in Christo nostro,

G. N. T.



MOLIMEN SISYPHIUM, HOC EST

Frustraneitas conatus istius, quo G. B. Reformatos in Ungaria, non esse Confessionis Helveticæ, probare, frustrà contendit.

P R I M O.



Alvinista in Ungaria, non profitentur Confessionem Helveticam: Ergo, nec tolerandi in Ungaria. His Episcopus verbis, thesin in assumptione Argumenti deponit.

R E S P O N S I O

I. **N**omen Calvinistarum scommaticè nobis inuritur. Nomen æquum judicantibus veraq; fatentibus, non melioris frangitæ, quam nomen Hæreticorum, Novatorum, Sacramentariorum, Calvinicorum, Calvistarum, Zwinglianorum, Orthodoxorum, Epistolicorum, Apostaticorum, &c. quibus hodiè à maleferiatis ferorum hominum linguis, injuriosè perimus. Calvinista enim notat aliquem novum sectarium, vel quem, post natum & educatum Johannem Calvinum, natum, suscitatum & exorium. Calvinista etenim, cum à Calvinò denominetur, non potuit prius esse, quam esset Calvinus. Calvinus autem, quod præterito seculo, anno Christi, M. D. I X. 10. Jul. Novioduni sit natus, & postea seculo eodem, anno M. D. L X I V. 27. Maji, Genevæ sit denatus, vel ipsis lippis & tonsoribus, luce meridianâ clarus. Si itaq; essemus Calvinistæ reveræ, essemus utiq; nuper orti, vestigiis Calvini nuper nati insistentes, dogmata ab eo ut Coryphæo excogitata sectantes, sicq; nuper, novi, & quia res de religione est,

M O L I M E N T

est, jure merito sectarii. At verò, quia religio, quam tuemur, tuitusq; est Calvinus, fuit antè Calvinum; (qui enim tueri potuisset, si non fuisset?) dogmata quæ confitemur, confessus & ipse Calvinus, tenebantur antè Calvinum; (qui etenim confiteri potuisset, si non obtinuissent?) ritus, quos observamus, observavit & ipse Calvinus, observabantur antè Calvinum, (qui enim observare potuisset, si non fuissent?) non magis concinnè dicimus Calvinistæ, ac Calvinus ipse Calvinista. Nec magis dextrè, ac si hodiè D. Episcopus Bársong, ed quod eam, quam seculo superiore Hungari Georgius Zichovid, Ord. Minor. S. Francisc. Episcopus Siginien. Johannes Colosvarinus, Ord. Prædic. Episcopus Csanádien. Andreas Dudithius, Sbardellatus, Episcopus Quinqueecclesiensis, qui Concilio Tridentino interfuere, profitebantur, religionem pontificiam profitetur, Zichovidista, Colosvarinista, Dudithista diceretur. Eandem enim cum illis hodiè profitebantur religionem pontificiam, teneq; doctrinam. Si vero idè simus dicensi Calvinistæ, quod eadem Christianam, quam Calvinus didicit, docuit, professusq; est, dicamus, doceamus, profiteamurq; religionem, quod in fundamento ita est, cur non dicimus Paulistæ, Petristæ, Jacobistæ, Judistæ, Jo-hanistæ, &c. cùm eandem sanctam & apostolicam, quam ipsi à Spiritu S. a-eti, literis consignarunt, vivâ voce prædicauunt, corde crediderunt, & ore confessi sunt, credamus, confiteamur, prædicemusq; doctrinam? Cur non moderni Pontificii se dictitant Alexandristas, Urbanistas, Clementistas, In-nocentistas, &c. cùm eadem teneant cum Alexandris, Urbanis, Clementibus, Iñocétiis, &c. Pontificib. religionē & doctrinā nunc Romano-catholicā? Sed præstat nobis cœcutire vel balbutire cum Scripturâ, quām insanire sine eâ. Certè per Apostolum coelestis academiæ alumnum, vetamur ab homine de-nominari, etiam optimo, 1 Cor. 1. 12. 13 & 3. 4. 5. Unde malum nus denomi-nari à Jesu Christo, Rege, liberatore, Propheta, doctore & summo Pontifice nostro, qui Deus est, secuti pia, Piorum Christi Discipulorum vestigia, qui Antiochiæ, dici, ut voluerunt, ita coepérunt, Christiani. Act. 11. 26. Joseph. antiq. lib. 18. cap. 4. Frustrà igitur scommaticum illud nobis im-ponit nomen. Calvinistæ, Pontificio Confirmationis Sacramento non in-digemus, novorumq; , & maximè talium impositione nominum, minimè gaudemus.

I. Resp. *Atlas cælum!* Majus quām Sisyphus, incipit Episco-pus ad Olympum provolvere saxum. *Calvinistæ in Ungariâ non profitentur Confessionem Helveticam.* Itanè? Ita, si dixisse, sit probasse. Hoc verbis

ponere,

S I S T P H I U M.

ponere, chartæq; pennâ imponere, præsertim, hostili ex mente, hostiliq; fronte, profecto facile, sed demonstrationem, firmatq; probationem appo-nere, prorsus certè impossible. Ita ut, optimè quis D. Episcopo, & aliis, qui talia moliuntur, verbis parùm mutatis, dicere possit, quod Naso Pecta-olim Sisypho, lib. 13. Metamorph.

Aut petis, aut urges, redditurum Sisyphe saxum.

Aut petis, aut urges thesin vir Episcope scriptam.

Quā igitur fronte, dirum illud virus, in nos scripto evomit?

I. I. I. Resp. Thesis istatitulo, quem Episcopus opusculo isti præ-fixit minimè respondebat. Fucatus opusculi titulus est: *Veritas.* Si eterim hoc ipsum, quod thesi hac deponitur: *Reformatos in Ungaria non profitentur Confessionem Helveticam,* sit veritas, verissimè fallitur, sibiq; optimè contradicit D. Episcopus, dum in frontispicio Argumenti Tertii, *Confessionem Helveticam nostram esse* dicit, sicut Augustanam Lutheranorum. Proba-turus enim, nos non esse tolerandos in Ungariâ, assumit *Confessionem Helveticam*, ut nostram. *Argumentum tertium* inquit ex *Adversariorum Confessione.* Quæ illa? *Helvetica nostra Reformatorum, & Augustana Lu-theranorum.* Quomodo quælo nostra, si non simus homines *Confessionis Helveticæ?* Quomodo nostra, si non profitemur *Confessionem Helveticam?* Ecce suo le jugulat gladio. Dum enim nostram dicit *Confessionem Helveticam*, dicit nos esse *Confessionis Helveticæ*, & nos profiteri eandem. Et quia optimè novit, nos non idè vocari homines *Confessionis Helveticæ*, quod eam fabricaverimus, in unum congesserimus, in articulos digesserimus, conscripserimus, prælo commiserimus, & in lucem ediderimus; sed quod ei subscrivimus, eam teneamus, doceamus, sequamur, profiteamur, non ex semetipso hoc dixit & scripsit, verùm invito ipso, à vi tamen veritatis adacto, isthac ex mente in os, ab ore in pennam cecidit veritas. Similem ei, hac in parte D. Episcopus, passus paroxysmum, quem olim Cajaphas Pontifex ma-ximus Hierolymitanus. Joh. 11. 51.

I. V. Resp. Si D. Episcopus, id quod in thesi expressit, benè scripsit & verè dixit, male scripsit & falsò dixit, Illustrissimus quondam Archi-episcopus Strigonensis, & Cardinalis Petrus Pázmany, quod habet in Kalauz lib. 5. in initio, pag. 459. *Confessio Helvetica à Calvinistis (nos Reforma-tos in Ungariâ respicit) maximo consensu recepta est.* Item ibid. *Confessio Helvetica communis Calvinistarum confessio est.* Item lib. 5. cap. 11. pag.

M O L I M E N

527. *Est alia Confessio Helvetia, quam anno 1566. ediderunt, & ut annos tatum est in initio libri Calvinistæ Superioris Ungariae, Debrecini anno 1567. receperunt, & subscriptione nominum confirmarunt.* Unde Calvinistas ob unaninem Confessionis Helveticæ professionem, non satis emendatè voca Helvicias. (*Helveticaknak*) lib. cit. cap. 11. pag. 527. 528. &c. Si igitur Cardinalis tem acu tangit, ausus Episcopi temerarius est, & thesis specie veritatis colorata, jam olim à Prælatis Ecclesiæ Romanæ, negata, exhibilata. Sin? Cardinalis à scopo aberravit, falsusq; fuit. Advocetur Pater dubiorum, & ingentem hanc purpurarum scissuram ingeniosè consuat.

V. Resp. Triginta Confessionis Helveticæ articuli, velut stupæ totidem conglomeratæ, parati sunt, os D. Episcopi patulum obturare, lubricamq; cum lingua compescere pennam. Cùm enim nullus eorum sit, quem non, nos Reformati in Ungaria profiteamur, temerè in nos, laxum istud: *Non profitentur Confessionem Helveticam, volvere contendit.* Quid aliud, quoad fundamentum, reiq; summam, de Scriptura sacra vero Dei verbo: *de interpretandis Scripturis, Patribus, Conciliis & Traditionibus: de Deo, unitate, & trinitate: de idolis vel imaginibus: de adoratione, cultu & invocatione Dei: de providentia Dei: de creatione rerum omnium: de lapsu hominis & causa peccati: de libero arbitrio viribusque hominis: de prædestinatione: de Iesu Christo: de lege Dei: de Evangelio: de pœnitentia: de Justificatione: de fide & bonis operibus: de Ecclesia: de ministris Ecclesiæ: de Sacramentis: de Cena Domini: de Baptismo: de cœtibus sacris: de precibus: de feriis, jejunis & ciborum delectu: de Catechesi: de sepultura, purgatorio & apparitione spirituum: de ritibus & cæremoniis: de bonis Ecclesiæ: de cœlibatu, conjugio & æconomia: de Magistratu, credimus, docemus, profitemur ipsi & aliis profiteri volumus, quād quod Confessio Helveticæ, credit, docet, profitetur & profiteri vult?* Si aliud, quorū in disputationibus academicis, Confessionem Helveticam defendendam suscipimus. Sed D. Episcopum confessionem istam vidisse unquam, aut si vidit, legisse unquam, vix ausim dicere. Tam verò diffonam D. Episcopus, toti mundo objectat veritatem. Vah falsissima veritas!

V I. Resp. Frustrè igitur saxum illud: *Reformati in Ungaria non sunt tolerandi, in exterminium nostrum, ad Olympum Majestatis Regiæ, pro movere sudat.* Velit nolit enim, sed hac resonantiâ, *Reformati in Ungaria sunt tolerandi, relabitur.* Reformati etenim in Ungaria sunt homines Confessionis Helveticæ, ad quos in Ungaria tolerandos, fovendos, &

in libe-

S I S T P H I U M!

in libero religionis exercitio conservandos, Majestas Regia juramento se obstrinxit clementissimè. Unde judicet æquus rerum æstimator, quo loco sit, is Regiæ Majestatis Consiliarius habendus, qui fidem frangendam, juramentumque violandum, Regiæ Majestati, sine iusta causa consulit? Videtur teruncio melior & fidelior, malâ & infideli Patriarchæ Jobi uxore. Job. 2. 9. 10. Certè nullus huic in aula Maximiliani 2. R. I. A. fuisset locus. Is enim fidem hostibus servandam duxit, teste Sambuco, in Epitaphio Maximiliani. Sed fortè D. Episcopus, nondum cum Ladislao, Rege Ungarie infausto, cruentissimum cum Amurathe, sua Legati Pontificii, Juliani Cæsarini, apud oppidum Warna, prælium miscente didicit, debere

Discere mortales non temnere fidem!

V I I. Resp. Posito, sed non concessso, Reformatos in Ung. non esse homines Conf. Helveticæ, (quodesse falsum jam patuit) inconsequentissimè tamen sequeretur, eos idè non esse in Ungaria tolerandos. *Primo* etenim tolerantur multi, qui non sunt homines Confessionis Helveticæ. Tolerantur Pontificii, Anabaptistæ, Thraces, Judæi, Ruteni, Valachi, qui Confessionem Helveticam non profitentur, immò detestantur & execrantur. *Secundo* tolerabantur Reformati in Ungaria, antequam unanimi, cum Helvetiis, Genevensibus, Neocomensibus, Polonis, Scotis, &c. consensu, Confessioni Helveticæ subscriberent, eamque reciperent. Cùm etenim subscriptio ista anno 1567. fieret, tanta erat Ministrorum Reformatorum in Ungaria, cis & ultra Tibyicum frequentia, ut amplissimum Debrecini, anno eodem, ad 24. Februar, habuerint conventum. Cogita Lector Christiane, tot sub Ministris Reformatis, quantus Reformatorum populus? quot cœtus? quot Ecclesiæ reformatæ? qui omnes elementissimè tolerati. Certè non tolerabantur in Ungaria, antequam Confessio Helveticæ conscriberetur, & ad Ungaros transmissa subscriptione confirmaretur, ut homines Confessionis Helveticæ, tolerabantur tamen ut Christiani, Reformati. *Tertio* tolerabantur in Ungaria, præter Romano-catholicos, Reformatos & Lutheranos, etiam Philistæi, & Ismaëlitæ. Philistæi, qui, ut habet Decretum Ladislai Regis, anno 1454. Budæ editum, cum Comaniis, Wolajis, & Tartariis conniverati, penes Regem, contra Turcam, exercituare debebant. lib. Decret. pag. 69. Ismaëlitæ, ut videre est in Decreto Ladislai Regis, anno 1092. 13. Calend. Jun. in civitate Szabolcs edito, cap. 9. lib. cit. pag. 13. In Decreto Colomanni Regis, lib. primo, capitibus, *de accusatione Ismaëlitarum: de Ecclesiis Ismaëlitarum, & de dotibus earundem: de matrimonio Ismaëlitarum;*

B

M O L I M E R

ratum; itemque de esporcinarum per Ismaelitas, lib. cit. pag. 26. In Decreto Andreæ Regis, anno 1222. edito, cap. Quid Ismaelita & Judæi, non teneant officiatus. lib. cit. pag. 37. Quidni ergo & Reformati? Sagè tantò magis, quantò hi illis meliores, saniores, & Christo viciniores.

I I.

HElvetica Confessio, Articulo II. fol. 22. hac habet: Comprehensa Symbolis ac sententiis, quatuor primarum & præstantissimarum Synodorum celebratarum Nicææ, Constantinopoli, Ephesi, & Chalcedone, credimus corde sincero. Sed moderni Calvinistæ in Hungaria, non quid corde sincero crederent, comprehensa primis quatuor hisce Synodis, quin plane credunt contrarium. His Episcopus verbis, thesin propositam probare pergit.

R E S P O N S I O.

I. **G**randior cauda capite. Plus in puppi quam in prora. Primò enim Articulus sonat de Synodis ac sententiis quatuor istarum primarum Synodorum, sed assumptum Episcopi, de omnibus, comprehensis, in primis istis quatuor Synodis. At verò non Symbola & sententia solùm, sed & alia multa, sunt iis comprehensa, quæ profectò Helveticam profidenti Confessionem, placere, tūm possunt, cùm falsa & damnanda placebunt. Plus ergo est, omnia comprehensa credere, quam sola Symbola & sententias credere. Secundò, Articulus sonat de Symbolis & sententiis, quatuor istarum primarum Synodorum, limitatè & secundum quid, respectivè ad incarnationis Domini nostri Jesu Christi mysterium. Sed assumptum Episcopi de omnibus simpliciter, & quibuslibet sine limitatione. Quod Episcopus, cum suo antesignano Cardinale Petro Pázmany, in Kalauz, pag. 530. adsert truncatè, est ex ultimo, articuli seu capitilis, Confess. Helvet. undecimi, quod est de Jesu Christo, vero Deo & homine, paragraphe, pag. non 22. ut D. Bársony cum D. Pázmany volunt, sed 27. qui quidem de voce ad vocem, hunc habet tenorem: *Et ut paucis multis ab iis cause dicamus, quæcunque de incarnationis Domini nostri Jesu Christi mysterio,*

S I S I P H I U M.

rio, definita sunt ex Scripturis sanctis, & comprehensa Symbolis ac sententiis, quatuor primarum & præstantissimarum Synodorum, celebratarum Nicææ, Constantinopoli, Ephesi & Chalcedone, una cum beati Athanasii Symbolo, & omnibus his similibus Symbolis, credimus corde sincero, & ore libero ingenuè profitemur, condemnantes omnia his contraria. At Episcopus partem pro lumen arripit, & ut incautis imponere posit, omnia & totum, prout placet, assuit, ad extre mosque margines, impertinentissimè excurrit, ut probationes probationis istius, lucidissimè ostendunt. Sophistam igitur, fallacemq; deceptorem, non veracem veritatis declaratorem Episcopus agit. Nec plus proficit, quam Sisyphus saxum volvens.

I I. Resp. Falsissimum est, quod pro minore assumit: Reformatos in Hungaria non credere corde sincero, comprehensa primis hisce quatuor Synodis, immo plane contrarium credere. Credimus etenim corde sincero, & profitemur ore libero, comprehensa primis istis quatuor Synodis, at non ut truncatè, callidè & parùm pudicè citatur, verùm, ut ultimus ille articuli undecimi paragraphus tenet, pro subiecta scil. (quæ in isto articulo tractatur.) materia, quoad Symbola & sententias, de mysterio incarnationis Domini nostri Jesu Christi. Nec enim aliud, si quis oculos aperiat, articulus vult, quam Professores Helveticae Confessionis, credere corde sincero, & profiteri ore libero, ea omnia, quæcunque de mysterio incarnationis Domini nostri Jesu Christi, definita sunt ex Scripturis sanctis, & comprehensa Symbolis & sententiis, quatuor istarum Synodorum, quæ & nos moderni in Hungaria Reformati, dicimus, credimus & profitemur.

Credimus ergo & profitemur, Primò Symbolum ac sententiam Concilii Nicæni, quod recitantibus, Francisco Longo à Coriolano, Monacho Ord. Minor. Francis. Capuccinorum, Summæ Concil. pag. 211. & Bartholomæo Carranza Mirandensi, Ord. Prædicat. Dominic. Sum. Conc. pag. 51. quoad negotium incarnationis Christi, de verbo ad verbum ita est: (Symbolum Concil. Nicæni.) Credimus in unum Dominum Jesum Christum, Filium Dei ex Patre natum, unigenitum, id est, ex substantia Patris. Deum ex Deo, lumen ex lumine, Deum verum ex Deo vero, natum non factum, homousion, hoc est, consubstantiam Patri, per quem omnia facta sunt, & quæ in cœlo, & quæ in terra. Qui propter nos homines, & propter nostram salutem, descendit, & incarnatus est, & homo factus. Quod hic punctum

M O L I M E N

vel minimum, quod non crederemus, vel, cui planè contrarium profiteremur? Ostendat D. Episcopus, si possit. Præstet se virum. Sin! erubescat. Credimus & profitemur Secundo, Symbolum ac sententiam Concilii Constantinopolitani, in negotio incarnationis Christi, quod recitantibus Monachis iisdem, Coriolano, & Carranza, ita est: (Symbolum Concil. Constantino p.) Credimus in unum Dominum Jesum Christum, Filium Dei unigenitum, ex Patre natum, ante omnia secula. Deum ex Deo, lumen ex lumine, Deum verum, ex Deo vero, natum non factum, homousion Patri, hoc est, ejusdem cum Patre substantie, per quem omnia facta sunt, que in celo, & qua in terra. Qui propter nos homines, & propter nostram salutem, descendit de celis, & incarnatus est ex spiritu Sancto, ex Maria virginе, & homo factus est. Cui, ex his, puncto vel minimo contrarium credimus aut profitemur, ostendat. Sin; erubescat. Credimus & profitemur Tertiò, sententiam Concilii Ephesini, de mysterio incarnationis Christi, canonibus tredecim comprehensam. Quorum quia postremus, summa & synopsis omnium est, ex iisdem Coriolano & Carranza descriptum exhibeo. Is, ita est: (Symbol. Concil. Ephesini.) Ait magna & Santa Synodus, ipsum qui est ex Deo Patre naturalius natus, Filium unigenitum, Deum de Deo vero, lumen de lumine, per quem & cum quo, omnia feceris Pater, hunc descendisse, incarnatum esse & hominem factum, considerantes, quid sit incarnatum esse, & hominem factum Dei Verbum. Non enim dicimus, quod Dei natura conversa vel immutata, facta sit caro; nec quod in totum hominem, qui est ex anima & corpore, transformata sit; sed magis quod carnem, animatam, animam rationalis sibi copulaverit; Verbumq; substantialiter, ineffabiliter, & incomprehensibiliter factus sit homo, & nuncupatus sit etiam filius hominis, non nudà tantummodo voluntate. sed nec assumptione sola persona, sed quod diverse quidem nature in unum convenerint, unus tamen ex ambabus Christus, & Filius, non evanuata vel sublatâ diversitate naturarum, per conjunctionem, sed quia simul nobis effecerunt unum Deum, & Christum, & Filium, id est, divinitas & humanitas, per arcanam illam, ineffabilemq; copulationis

S I S I P H I U M.

lationis adunctionem. Itaq; is, qui ante secula omnia est natus ex Patre, etiam ex muliere carnaliter est procreatus in tempore. Non quia divina ipsius natura, de sacra virginē sumvit exordium, nec propter seipsum opus habuit secundò nasci post illam nativitatem, quam habebat ex Patre, (est enim ineptum & stultum hoc dicere, quod is, qui ante omnia secula est, & consempiternus Patri, secunda generationis eguerit, ut esse inciperet:) sed quia propter nostram salutem naturam sibi copulavit humanam, & processit ex muliere, idcirco dicitur esse natus carnaliter. Nec enim primum natus est homo communis de sancta virgine, & tunc demum inhabitavit in eo verbum, sed in ipsa vulva, uterog; virginali secum carnem conjunxit, & sustinuit generationem carnalem, carnis sue nativitatem suam faciens. Non dicit Scriptura, Verbum Dei personam sibi hominis assumisse, sed carnem factam esse. Id autem est ostendere, Dei Verbum similiter ac nos, principium habuisse carnis & sanguinis, & corpus nostrum propriè suum fecisse, & hominem ex muliere processisse, non abjectâ vel depositâ Deitate, aut generatione illâ, quam habebat ex Patre, sed mansisse etiam in assumptione carnis. Deum, quod erat. Hoc itaq; reæ fidei ratio protestatur. In tali sensu Sanctos Patres fuisse comperimus. Ideog; illi non dubitaverunt Sanctam Virginem dicere Theotokon, non quia Verbi natura, Deitasq; in sancta Virgine sumvit exordium, sed quod ex ea natum sit sacram illud corpus, animatum anima rationali, cui substantialiter adunatum Dei Verbum, carnaliter natum esse dicitur. Quid in his vel modicum, credere & profiteri refugimus? Ostendat Episcopus. Sin; erubescat. Credimus & profitemur Quartò, Symbolum & sententiam Concilii Chalcedonensis, in negotio incarnationis Christi, quod ut ex sessione secunda clarissime constat, juxta Coriolanum, aut non aliud fuit, quam ipsum Concilii Nicen, & Concilii Constantinopolitani Symbolum, (hoc enim utrumque recitatum & renovatum in eo Concilio dicit,) quod utrumque quid de mysterio incarnationis Christi sentiat, paulò antè proposui. Aut si aliud fuit, ut est juxta Carranzam, sensu idem fuit, exceptâ incarnatione Christi, de qua hic nihil, nempe: (Symbolum Concilii Chalcedonensis.) Credi-

M O L I M E N

mus in unum Deum omnipotentem, & in unigenitum Filium ejus Iesum Christum, Dominum Salvatorem nostrum, & Spiritum Sanctum Deum, non tres Deos, sed Patrem & Filium & Spiritum Sanctum, unum Deum esse confitemur. Non sic unum Deum, quasi solitarium, nec eundem qui ipse sibi Pater sit, ipse Filius, sed Patrem verum, qui genuit Filium verum, id est, Deum de Deo, lumen de lumine, vitam ex vita, perfectum de perfecto, totum à toto, plenum à pleno, non creatum sed genitū, non ex nihilo sed ex Patre, unius substantia cum Patre. Quo igitur in puncto à Symbolo & sententia Chalcedonensis Concilii recedimus, in negotio fidei & incarnationis Christi, ostendat Episcopus. Sin; erubescat. Hoc, hoc demum est, veritatem toti mundo declarare, scilicet mendacium mendacio cumulare, & frontibus innocuis quidvis calumniosè inuigere.

I I I. Resp. Posito, utut non concessō, quod Episcopus in Assumptione nobis impingit, verum esse : Nos nimur, comprehensis in primis quatuor Synodis non credere, imò contrarium credere, sicque non profiteri Confessionem Helveticam, opus & operam instar Sisyphi saxum frustrā volventis, perderet. *Quis enim Logicorum vel pessimus, non videat consequentiam hic esse inconsequentissimam.* Reformati in Ungaria, octavum seu ultimum, articuli undecimi, Confessionis Helveticæ paragraphum, non credunt, non profitentur : Ergo Confessionem Helveticam, articulis seu capitibus triginta, paragraphis centum & quadraginta duobus, comprehensam, non credunt, non profitentur. *Etsi etenim, ne voculam quidem ex isto ultimo, articuli undecimi paragraphe, Reformati in Ungaria profiteretur, (quod tamen secūs se habet, cùm & ipsum totum paragaphum profiteantur.) Verum enim verò, quia à potiori solet fieri denominatio, rectè Confessionem Helveticam profiteri dicerentur. Cùm articulos Confessionis Helveticæ viginti & novem, ipsumque undecimum, qui effet tricesimus, extra ultimum paragaphum profiterentur. Annon optimè Confessionem Helveticam, qui centum & quadraginta unum, ejus paragaphos, uno solo rejecto teneret, tenere diceretur?* Festucam in alieno, si esset, libenter vellet videre, Præpositi oculus, oculo sed trabem in proprio nequaquam. Placuit hæc sequela : *Articulus quintus anni 1647. ab aliqua solommodò Statuum Regni parte conditus est. Ergo non à toto Regno, ideoque non observandus, sed annihilandus.* Argumento enim Primo, Di-

S I S Y P H I U M.

ploma regium, Ferdinandi III. occasione pacis initæ cum Principe Transylvaniæ, Georgio Rakoczi editum, atque Articulo quinto anni 1647. insertum, idē solū furcellis expellit, quod non ab integris, quatuor Regni Statibus, sed tantum ab aliquibus, ad Status Regni pertinentibus, fuerit conditum. *Primo Regni Statu, (ut vult,) nempe Clero contradicente ex integrō. Item secundi, tertii & quarti Status posteriori parte.* Argumento item secundo, idē Articulura quintum, Anni 1647. cæterosque, non observandos, sed absolvè tollendos, cassandos & annihilandos clamitat, quod per aliquotam Regni tantum partem, ejusque vota 23. aut 25. conscribi sunt jussi. At verò sequela hæc : *Reformati in Ungaria, partem aliquotam Confessionis Helveticae, paragaphum nempe unicum, ex 142. ut Episcopus cogitat, rejiciunt;* Ergo non totam Confessionem Helveticae rejiciunt. Parum palato arridet. Ita Statera veritatis, placitum ejus est. Ipsò enim iudice, quod à parte ejus est, & placet, verum est; quod contra est, & displicet falsum est.

I V. Resp. Ultimus ille articuli undecimi, Confessionis Helveticae paragaphus, ut jam est liquidum, in professo quidem apud Reformatos est, si tamen non esset, quo quæso judice, eam ob causam Reformati, non esse homines Confessionis Helveticae, pronunciari possent? Cùm Pontificiorum multi, hunc vel illum religionis pontificiæ articulum non credant, & profitentur, & tamen homines pontificiæ religionis dicantur, judicentur? Monachi Dominicani, seu Ordinis Prædicatorum, articulum religionis Pontificiæ, de immaculata Virginis Mariae conceptione, (quod sive originali peccato fuerit concepta :) amplectendum ut pius & consonum cultui Ecclesiastico, fideli catholicae, Scripturæ & rationi. (Sunt verba Cardinalis Bellarmini, lib. 4. de amiss. gratiae, & statu peccati, cap. 15.) à Concilio Basileensi, ut teneatur, velut sententia pia, sancta, cultui Ecclesiastico, fides catholicae, rectæ rationi, & Sanctis literis consona, (verba sunt Coriolani, in Sum. Concil. Basileen. Sess. 36.) definitum, declaratum, & post à Concilio Tridentino renotatum, Sess. 5. contra Franciscanos & Jesuitas, non tenent, non credunt, non profitentur. *Quis tamen idē dicat Dominicanos, non esse homines religionis pontificiæ?* Quam multi in Synagoga pontificiâ, hoc vel illud rejiciunt, negant, credere nolunt, & tamen idē Pontifici, vel homines pontificiæ religionis esse, non desinunt. Alvarez, Thomas Bradwardin, & Gregorius Ariminensis, non credunt hominem in puris naturalibus constitutum, habere liberum arbitrium in spiritualibus. Antonius Marinarius Car-

M O L I M E N

ssellis, non credit, hominem fidelem, in hac vita, non posse esse certum, de futura sua salute. Alexander ab Ales, non credit, esse aliquem extra Deum, etiam Sanctos invocandos, sed solum Deum simpliciter. Item Sacramentum Confirmationis, vel Dominum, vel Apostolos instituisse. Thomas Aquinas Doctor Angelicus, non credit Sacramentum Coenæ Dominicæ, sub una specie sumendum & exhibendum. Thomas idem, non credit formam quinque Sacramentorum, præter Baptismum & Eucharistiam, alibi existare in Scriptura sacra. Cajetanus Cardinalis, & Melchior Canus, non credunt omne matrimonium legitimè contractum inter Christianos, esse Sacramentum. Hugo de S. Victore Cardinalis, non credit Sacramentum Poenitentiae, esse Sacramentum. Dominicus à Soto, non credit Sacramentum Ordinis esse Sacramentum. Durandus à S. Pontiano, non credit characterem indelebilem in anima, quicquam esse. Johannes Roffensis Cardinalis, non credit aliquid apud veteres, de Purgatorio posse inveniri. Sorbona, primatum, potestatemque Papæ, nolit agnosceré: Purgatorium Pontificium cœpit respuere, &c. Quis tamen hos, non fuisse Pontificia religio- nis, adeoque Pontificios, idè dicere ausit? Tam acutum D. Episcopus cernit, ut tam obiusissimum edat discursum! Optimè cum Sisypho proficit, dexterim probandum probat, scilicet juxta melam.

I I I.

Nam teste Justiniano, Novell. 123. c. 1. 12. 14. & Ambro-
sio, Epist. 82. inter Canones Concilij Nicæni, hoc
legitur, Patres Nicæni Concilij statuere, nej̄ clericum
quemquam debere esse, qui secunda conjugia sortitus est.
Hoc ipsum statutum credunt esse doctrinam Daemoniorum
moderni Calvinistæ. Ergo non consentiunt cum Helve-
tica Confessione, sincero corde statuta Nicæni Concilij ac-
ceptante. His Episcopus verbis, theses proposi-
tæ probationem, primò fulcire contendit.

R. E-

S I S T P H I U M.

R E S P O N S I O.

I. Inter Canones Concilij Nicæni veros & genuinos, nullib[us] tale quidpiam statutum legitur. Maneat quidem suus Ju-
stiniano honos, & authoritas; maneat suo Ambrofio fides, Canones tamen à Patribus Concilii Nicæni conditi, non plures vel unico, sed viginti tantum sunt, in quibus statuti istius apocryphi, Patribus Concilii Nicæni afficti, nec vola nec vestigium. Bartholomæus Carranza Mirandensis, Archiepi-
scopus Toletanus, Sum. Concil. pag. 46. dicit: Patres Concilii Nicæni,
ediderunt canones viginti, quos habes à Gratiano transcriptos, in volumine de-
cretorum, variis in locis. Athanasius Alexandrinus tradit septuaginta capitu-
la decreta à Nicæno Concilio, sed viginti tantum canones habet Ecclesia Roma-
na, ut vult Stephanus Papa. Marcus Papa, Athanasio Alexandrino re-
spondet: Capitula Nicæna Synodi, quædam in disputationem abierunt, vi-
ginti tantum in Romana Ecclesia habentur. Gratianus, distinct. 16. cap. Se-
ptuaginta. Stephanus Papa, Luthabio Episcopo Moguntino, scribit: Vi-
ginti tantum capitula Nicæna Synodi, in Sancta Romana Ecclesiâ habentur.
Gratianus idem, ibid. cap. Viginti. Theodoreus, Histor. Eccl. lib. 1. cap.
8. Conscriptæ ecclesiastice administrationis leges viginti, dicit de Patribus
Nicæni Concilii. Cariolanus, cum suo Dionysio Exiguo, cuius editionem
sequitur, in editione Canonum Concilii Nicæni, tantum viginti ponit, &
Concilium finit. Carranza etiam cum suo Isidoro Mercatore, cuius editio-
nem fecutus est, tantum viginti agnoscit. In his autem canonibus viginti
id, quod D. Episcopus adserit, nusquam appetit.

I I. Resp. Posito (quamvis non ita sit,) id, Patres Nicæni Concilij statuisse, quid tamen hoc ad rhombum? Confessio enim Helvetica, quam profitemur, ut iteratò dicam, credit corde sincero, & ore libero pro-
fitetur, non viginti istos canones, seu, ut vocat Theodoreus, ecclesiastice
administrationis leges, sed Symbolum & sententiam, in negotio seu myste-
rio incarnationis Christi, supra descriptum. Id verò, quod à D. Episco-
po adseritur, nec ex Symbolo Concilii Nicæni, nec de incarnationis Christi
mysterio, sed de Ecclesiasticorum seu ut dici solent, Clericorum coelibatu est
& adseritur. Ecce quam benè D. Episcopus tangit metam!

I I I. Resp. Non statutum illud, Nicæno Concilio frustra affi-
ctum, & suppositum, sed doctrinam contrahere matrimonium prohibentem, &
abstinere à cibis, quos Deus condidit ad participandum, jubentem, dicimus cum

C

Apo-

13

M O L I M E N

Apostolo gentium , Paulo, doctrinam dæmoniorum, 1 Tim. 4. v. 3. Doctrina enim Dei contrahere matrimonium , non prohibet. Sed præscribit , commendat & suaderet, quibusvis hominum ordinibus. Hebr. 13. v. 4. Eadem abstinere à cibis, quos Deus ad participandum condidit, non jubet, sed iis utendum præscribit, commendat & suaderet quibusvis. 1 Cor. 10. v. 25. Rom. 14. 2. &c. Coloss. 2. v. 16. 21, 22, 23. Dum igitur D. Episcopus probationem suæ theses fulcire hinc vult, non fulcit, sed operam & retiam perdit.

I V. Resp. Imò, ut per retorsionem respondeamus, ita nos Reformati non consentiremus cum Confessione Helvetica , si à partibus statuti istius suppositiū staremus, secundas nuptias damnaremus, cœlibatumque clericorum jurisse daremus. Helvetica etenim Confessio, stat contra illud, & eos, qui secundas nuptias damnant, cœlibatumq; clericorum damnat. Articulo 29. paragraph. 2. dicit : *Dannamus eos, qui secundas nuptias damnant.* Paragraph. ult. rursùm : *Numeramus cum Apostolo inter dogmata Satanica, illorum doctrinam, qui matrimonium prohibent, aut palam vituperant, vel oblique perstringunt, quasi non sanctum vel mundum sit. Execramur cœlibatum immundum, libidines & fornicationes testas & apertae, hypocitarum simulantium continentiam, cum onus sint incontinentissimi.* Alludit & respicit ad Clerum Papisticum. Judicet ex his Lector candidus, an nos, nolentes consentire cum spurio isto statuto, non consentiamus cum Confessione Helvetica.

I V.

Idem Concilium Nicenum, canon. 30. ex Arabico per Pisanius verso, bæc habet : *Qui tenet sedem Romæ, caput est & Princeps omnium Patriarcharum. Sed & huic moderni Calvinista non consentiunt. Ergo non sunt Helvetica Confessionis, cum Nicæna Synodo corde sincero consentientis. His Episcopus verbis, theses proposæ probationem, secundò fulcire contendit.*

R E.

S I S N I P H I U M

R E S P O N S I O.

I. **C**anones isti octuaginta Arabici, sive per Pisaniū, sive per alium quemcunque, etiam si Ciganum, sicut versi, sunt spurii, & ut septuaginta Athanasii Alexandrini canones, omnino suppositiū. Quia Canones Concilii Niceni, Marco & Stephano Papis ; Carranza & Coriolane, Conciliorum collectoribus ; Dionysio Exiguo, & Isidoro Mercatore, Concilii Nicæni editoribus ; & Theodoreto Historico Ecclesiastico, afferentibus, sunt & fuerunt tantum viginti, ut paulò ante respons. I. ad memb. 3. ostendi. Ex his ergo aliquid afferre, non est ex Canonibus Concilii Nicæni adferre, quia non sunt, nec fuerunt Nicæni Concilii Canones.

I I. Resp. Deinde, si essent genuini, Nicæni Concilii canones, cumq; iis & hic 39. Arabicus Pisani, (quod tamen peremtorie negamus) quid tum? An quia nolumus consentire isti canones, non sumus confessio Helvetica? Ita sanè, consequentias pessimas & ridiculas, pessimè & ridiculè negentem. Non enim id, quod canone isto spurio continetur, vel in Symbolo concilii Nicæni continetur, vel de mysterio incarnationis Christi, loquitur, sed extraid, de emanentio Papæ primatu. Confessio autem Helvetica, credit & profitetur Symbolum Concilii Nicæni, & quidem ut citatus à D. Episcopo articulus tenet, respectivè ad mysterium incarnationis Christi, quod & nos, quia credimus & profitemur cum Confessione Helvetica, falsissimè, non esse Confessionis Helvetica, à quocunque dicamur, dicimus.

I I I. Resp. Imò vero, si putidum illum de Primate Papæ canonem Arabicum recipieremus, & quod ex eo in medium profertur, ei subscriberemus, ita cum Confessione Helvetica non consentiremus, confessionisque Helvetica non essemus. Confessio etenim Helvetica, huic è diametro repugnat. Primum Papæ & Papam non agnoscit. Archiepiscopos, Suffraganeos, Metropolitanos, Archipresbyteros, Diaconos, Subdiaconos, Acoluthos, Exorcistas, &c. Cardinales, Praepositos, Piores, Patres ordinesq; maiores & minores, extra Apostolicam de Ministris doctrinam ponit. Pontificem nullum, imò ne Sacerdotem quidem ratione ministerii agnoscit. Omnibus in Ecclesia ministris, unam & aequalem potestatem datam esse dicit. Ab initio Episcopos vel Presbyteros, Ecclesiam communī operā gubernasse, nullum alteri se prætulisse, aut sibi ampliorem potestatem, dominiumve

M O L I M E N T

In Coepiscopos usurpasse scribit. Attic. seu capit. 18. Profecto, si rabies istius Arabici, Pisanique apud nos, in aliquo extimio esset, canonis, ea in parte rectissime non profiteri Confessionem Helveticam, neque esse confessionis Helveticae, dicereur. In caput ergo proprium relabitur Sisyphi miserimi saxum, non nostrum.

V.

Idem Concilium Nicenum, edition. Pisan. libr. 3. fol. 177. hæc babet : In divinâ mensâ, non abjectè intenti sumus, ad propositum panem & poculum, sed cogitatione, sursum erectâ, fide intelligamus, in sacra illa mensa, situm esse agnum, qui tollit peccata mundi, incruentè à Sacerdotibus immolatum. Et can. 16. Arabico, alijs 14. in eadem materia sic loquitur : Diaconus offerendi Sacrificij non habeat potestatem, sed Sacerdos offerat corpus Christi. Sed & banc veritatem Calvinistæ in Ungaria execrantur. Ergo non consentiunt Helvetica Confessioni, Nicena statuta sincero corde acceptantib. His Episcopus verbis, theseos propositæ probationem, tertio fulcire contendit.

R E S P O N S I O.

I. **C**rambe bis terve recocca ! Toties dictum, falsi canonos istos Niceno supponi Concilio. Non ejus fuere, ideoque ex iis ut Canonibus Niceni Concilii, velle militare, est fucum oculis offendere, adeoque puerizare. Facebat cum Pisano ad pisa, cum Arabico ad Arabes, & inter eos discessit tandem vera fateri.

I I. Resp. Jam ad nauseam usque inculcatum, Confessionem Helveticam, non quidvis, quod in Actis Concilii Niceni, vel ex professo, & fundamentaliter, vel in commentario, & annotanter legitur, recipere, corde sincero credere, & ore libero profiteri, verum symbolum & sententiam de mysterio

S I S T P H I U M.

terio incarnationis Christi. At verò hoc, quod frusta hæc citata continent, non esse de Symbolo Concilii Nicæni, & sententiâ, de mysterio incarnationis Christi, cùm sint de Sacramento Cœnæ Dominicæ, fungus sit oportet, qui non animadvertis, & coecus omnino, qui non videat.

I I I. Resp. Si qua esset vel minima, spuriis istis canonibus fides danda, (quamvis nullam dandam censeamus:) non execramur nos, quin imò monemus ; in divinâ illâ mensâ, (est enim coena & mensa Domini Christi, veri Dei, 1 Cor. 10. v. 20.) non abjectè intentos Christianos esse debere, ad propositum panem & poculum, (in coena pontificia nec panis, nec poculum:) sed cogitatione sursum erectâ, fide intelligere, in sacrâ illâ mensâ, situm esse agnum, qui tollit peccata mundi. Videntur enim oculis corporis, panem & poculum, accipimus manibus corporis, comedimus & bibimus ore corporis, sed cogitatione sursum erectâ, in coelum, ubi Christus est, oculis fidei cernimus, manibus fidei accipimus, ore fidei, ac si manducaremus & biberemus, nobiscum unicus, nobis appropriamus, agnum immaculatum Christum, carnem & sanguinem Christi, hoc est, meritum carnis & sanguinis Christi. Sed Christum jam glorificatum, à Missifice, incruentè vel cruentè immolari, eum qui in coelis est immortalis, ab homine, qui in terra est, mortali mactari, ut crudele & sævum in Christum figuratum, execramur.

I V. Resp. Eo, quod ex lib. 3. Pisani adfert, etiam si eo, quo offert, recipieremus animo, (quod tamen fieri nequit) nihil proficeret, imò quantum sibi prodesset, tantum vel certè plus obcesser. Clarissime enim illinc appetit, tunc temporis, cùm canon ille cuderetur & scriberetur. Primo, non fuisse enatum Transubstantiationis commentum. Si enim panem & vinum, in corpus & sanguinem Christi, transubstantiari, tunc creditum est, quorsum dicitur, cogitatione sursum erectâ, (ad id, quod non hic in terra, nobiscum, sed in coelo supra nos est) fide hominem debere intelligere, in mensa illa situm esse agnum Dei. Secundo, non fuisse usum hostiarum orbicularium, in Sacramento cœnæ. Hic enim panis fit mentio. Hostia verò orbicularis, à Pontificiis hodiè usitata, non est panis. Tertio, non fuisse poculum communicantibus adoratum, sed sub utraque, ut dici solet, specie, panis & vini cœnam administratam. Meminit enim canon citatus, poculi, quod in moderna Pontificiorum cœnâ, nuspiciat appetit. Enquantum D. Episcopus deficit, quum proficere intendit studiosè.

V. Resp.



M O L I M E N T

V. Resp. Quod ad canonem 16. Arabicum, alias ut dicit, 14. attinet, videmus & in canonibus Concilii Nicæni, aliquid tale, sed canone 18. juxta Coriolanum & Dionysium Exiguum; Canone verò 14. juxta Carranzam. Sed perpendendum est, Primo, duo isto canone corrigi: 1. Quod Diaconi porrexerint Sacraenta Presbyteris, ordine planè inverso. 2. Quod Diaconi quidam, etiam antè Episcopum Sacraenta sumserint. Et haec tenus eutaxias ergò, benè, vi communis Regula ab Apostolo tradita. 1 Cor. 14. v. 40. Secundo, in eodem canone, Sacrificium & corpus Christi, non propriè, sed sacramentaliter sumi. Quod enim corpus Christi, & sacrificium nunc dicitur, ibidem, *Sacraenta, sacra communionis, juxta Carranzam; gratia sacrae communionis, sacra oblationis, & Eucharistia, in margine, juxta Coriolanum dicuntur.* Tertio, in absentia Presbyterorum & Episcoporum concessum esse, ut Diaconi Eucharistiam porriganter. Ita Coriolanus, Annotat. ad ca. 18. Concil. Nicæni. Carranza in Sum. Conc. ca. 14. Ruffin. lib. 10. Histor. Eccles. ca. 16. Quid tamen haec omnia ad Confessionem Helveticam, paragaphumque articuli undecimi ultimum? Incassum laborat Sisyphus, saxum humeris suis impavolans.

V I.

IDem Concilium Nicenum, canon. 65. Arabico, sic habet: Nuncietur mors Episcopi, in omnibus Ecclesiis & Monasterijs diocesis, ut fiat oratio pro eo. Sed & huic statuto Niceno, Calvinistæ in Ungaria, sunt contrarij. Ergò nec sunt Helveticæ Confessionis, acceptantis corde sincero, statuta ejusdem Concilij Nicani. His Episcopus verbis, theses propositæ probationem, quartò fulcire contendit.

R E S P O N S I O

I. **E**Andera exsibilatam casit Episcopus cantilenam. Nullum firmum habet, ædificio, quod extruere allaboraret, substratum fundamentum. Dictum etenim est, canones istos Arabicos, esse revera

S I S I P H I U M

revera spurious, suppositios & rabidos. Ex quibus spuriæ & rabidae nonnihil fluere possunt consequentiae. Frustrè eos D. Episcopus, velut saxum inane, verlat.

II. Resp. Dato, sed non concesso, esse genuinum Nicæni Concilium canonem, quid tamen ad rem? Id enim quod ex isto canone 65. obtruditur, ne gry quidem de mysterio incarnationis Christi, habet, nec pars Symboli Concilii Nicæni est. Confessio verò Helvética, solum in eo Concilio Nicæno, manus dat, in dicto articuli undecimi paragrapho, quod in mysterio incarnationis Christi, Symbolo comprehendit. At verò hoc, quod iste 65. Arabicus clamitat, Symbolo suo, Concilium Nicænum, ne vel in minimo quidem puncto comprehendit. Prehendat ergò D. Episcopus, & quanto cum sudore attulit, tanto cum pudore, quod attulit, secum auferat.

III. Resp. Quod addit, Reformatos in Ungaria, eò quod oratione pro mortuis sint contrarii, non esse Confessionis Helveticæ, retendum & retorquendum est. Imò ideo non fore Confessionis Helveticæ, orationi pro mortuis, non essent contrarii. Confessio etenim Helvética, orationem & orantes pro mortuis improbat. Articulo 26. dicit: *Improbamus rursum, nimis & præpostere officiosos in defunctos, qui instar Ethnorum suos deplangunt mortuos, & pro mortuis sacrificant, & preculas certas, non sine precio demurmurant, hujusmodi suis officiis liberaturi suos illos extortentis.* Debebat ergò D. Episcopus dixisse: Reformatos, qui orare pro mortuis, cum Confessione Helvética nolunt, statutoq; illi spurio contrarii sunt, esse omnino Confessionis Helveticæ.

V II.

Concilium porrò Constantinopolitanum, canone 7. confirmat & statuit forsiter ea omnia, que Nicenum, ideoque adhærens corde sincero, statutis Concilij Constantinopolitani Helvética Confessio, declarat manifestè, Calvinistas in Ungaria, non esse Confessionis Helveticæ. His Episcopus verbis, theses propositæ probationem, quintò fulcire contendit.

RE

M O L I M E N

R E S P O N S I O.

I. **C**oncilium Constantinopolitanum, canone i. confirmare & statuere fortiter ea omnia, quæ Nicænum, ineptissime dicitur. Confirmat etenim & statuit fortiter, fidem solummodo, Patrum Nicææ congregatorum, Symbolo Concilii Nicæni comprehensam, de Deo Patre, Filio, & Spiritu Sancto. Canon primus apud Coriolanum & Carranzam, hujus est tenoris : *Custodiendae esse fidem 318. Patrum, qui apud Nicæam Bithynie convenerunt, ad anathematizandam omnem heresin, specialiter Eunomianorum, & Arrianorum, & Macedonianorum, & Phœtinianorum, & Apollinianorum.* At vero, quæ regula? quæ Logica? Confirmat fidem de Deo Patre, Filio, & Spiritu Sancto, Concilii Nicæni. Ergò confirmat ea omnia quæ Nicænum.

I I. Resp. Canones Concilii Nicæni, etiam genui illi viginti, (ut nihil de spuriis septuaginta Athanasii Alexandrini, & octuaginta Arabicis Pisani loquar:) non ad fidem, quæ Symbolo Nicæno comprehensa est, sed ad Ecclesiasticam administrationem pertineat. Certè Theodoreetus eos canones, *leges Ecclesiastice administrationis* vocat, lib. i. c. 8.

I I I. Resp. Quicquid sit, posito sed non concesso, Concilium Constantinopolitanum, confirmare & statuere omnia ea, quæ Concilium Nicænum, non tamen eo ipso, quicquam Episcopus valeret, aut proficeret. Confessio etenim Helvetica, ultimo illo, articuli undecimi sibi memorati paragrapho, sicut in, vel ex Nicæno, ita Constantiopolitano Concilio, non aliud, quæ Symbolum & sententiam, de mysterio incarnationis Christi, recipit, respicit, credit & profitetur. Quod quidem Concilii Constantiopolitani Symbolum, sententiamque de mysterio incarnationis Christi, quia cum Confessione Helvetica credimus & profitemur, summâ injuriâ, pessimâque fide, non esse Confessionis Helvetica, concludimur. Sed D. Episcopo, ut Pictoribus atque Poëtis :

*Quidlibet andendi semper fuit aqua potestas,
ita threicia hitundo labiis instrepit.*

I V. Resp. Quantum Helvetica Confessio, statutis, definitionibus & canonibus Conciliorum tribuat, & quatenus iis corde sincero adhæreat, facile

S I S T P H I U M.

facile D. Episcopus rescire potuisset, si articulum ejus secundum, legendo percurrisset. Dicit Confessio articulo illo 2. *Eodem in ordine collocaatur, etiam Conciliorum definitiones vel canones, scilicet, quo, Sanctorum Patrum Græcorum, Latinorumque interpretationes.* At has quo ordine habeat, declarat his se ibidem verbis : *Non reprobamus eorundem Patrum disputationes ac tractationes rerum sacrarum, cum Scripturis consentientes; à quibus tamen recedimus modestè, quando aliena à Scripturis, aut hū contraria adferre deprehenduntur.* Sed torè D. Episcopus, nondum in lectione Confessionis Helveticæ, si vidit & legit unquam, hucusque pervenerat. Quid ergo mirum, si mentem Confessionis scire nequiverit?

V I I I.

D^{icit} Emum in Praefatione Concilij Ephesini habetur, quod ei Synodo, vice S. Cœlestini Papæ, præsedit beatissimus quondam Cyrus, Alexandria Episcopus. Itaque Concilium Ephesinum, ratam habuit præsidentiam, & præminentiam in spiritualibus omnem S. Cœlestini Papæ, qui tamen pro sacro Missæ Sacrificio instituit Introitum, Graduale, Tractum, offertoriū, communionē, scilicet quoad sacras sententias, non autem substantiam. Itaq; consentiens Ephesino Concilio Helvetica Confessio, ostendit non esse Helveticos Hungariae Calvinistas, qui damnant & exhibent, Sancti Cœlestini Papæ factas quoad Missam institutiones. His Episcopus verbis, theses propositæ probationem, sexto fulcire contendit.

R E S P O N S I O.

I. P^{rae}fatio Concilii non est Concilium. Concilium Ephesinum Año Christi 431. ab Episcopis 200. celebratum dici-

M O L I M E N T

cur. Sed Praefatio Concili, hoc vel illo anno, ab hoc vel ab illo Concilii editore. Concilium, acta, canones & capitula comprehendere solet. Sed Praefatio est extra & antè acta, canones & capitula. Laterem ergò lavat, cùm circa Concilium cursitat, & ex Concilio thesia probare volens, extra Concilii corpus oberrat.

I I. Resp. Dato sed non concessso, Episcopum, ex ipso Concilii corpore aliquid, quod non crederemus & profiteremur, adterre, non tamen ideo, non esse nos Helveticos, legitimè arguere & concludere posset. Ad hoc etenim, ut hac in parte Helvetici dicemur, satis esset, si symbolum & sententiam, concilii Ephesini, de mysterio incarnationis Christi, cum Confessione Helvetica crederemus, & profiteremur. Quod quia facimus, sententiamque Concilii Ephesini, de mysterio incarnationis Christi, cum Confessionis Helveticae articulo undecimo, ejusque paragrapho ultimo, credimus & profitemur, iniquiè nomen Helveticorum nobis admittit.

I I I. Resp. Consequentia ista : *Cyrillus Concilio Ephesino, vice Cœlestini Papæ præsedit ; Ergo Concilium Ephesinum, ratam habuit præsidentiam, & præminentiam in spiritualibus omnem Cœlestini, lurida est. Potuit præsidere sine commissione ejus. Potuit, etiamsi præminentiam ejus non agnoverit. Potuit, etiamsi ipsum Episcopum Romanum Cœlestinum, ut Coëpiscopum, & sibi dignitate æqualem duxerit. Potuit, etiamsi in spiritualibus, nedum omnem, sed ne aliquam quidem præminentiam Cœlestino tribuerit.*

I V. Resp. Ejusdem est furfuris & ista : *Qui factas quoad Missam Papæ Cœlestini institutiones exhibilant, Concilio Ephesino non consentiunt. Consensit enim Concilio Ephesino, omnis is, qui decem & tres Concilii Ephesini canones recipit, credit & profitetur, etiamsi superstitionis istas Cœlestini institutiones ad tartara damnet. Qui presentes in Concilio Ephesino fuerint, & Canones istos contra Nestorium considerant, consenserunt isti Concilio, sed quasdam ex his Cœlestini institutionibus, ut nondum forte exortas, tenere non potuerunt. Frustrà ergò & hic sudat Silyphus.*

V. Respons. Plusquam inepte ab Episcopo, & ista infertur, consequentia : *Reformatos Hungariae, non esse Helvetica Confessionis, quod fragmenta illæ Missæ, à Cœlestino, ut dicit, instituta damnent, & exhibilento.*

S I S Y P H I U M

ment. Retorquemus etenim & dicimus, imò, idèd, quia Reformati Hungariae Missam, & omnia ejus additamenta, à quoquaque tandem instituta, pari mente cum Confessione Helvetica, damnant & exhibilant, omnino sunt Confessionis Helveticae. Confessio enim Helvetica, Missam pontificiam & additamenta ejus exhibilat, nihilque horum recipit. Articulus 21. dicit : *Hoc autem liberè dicimus, Missam, quæ hodie in usu est, per univer- sam Romanam Ecclesiam, plurimas & justissimas quidem ob causas, in Eccle- siis nostris esse abrogatam.* Certè approbare non potuimus, quod ex actione salubri, spectaculum inane est factū, quod item facta est meritoria, vel celebra- ta pro precio, quodque in ea Sacerdos dicitur confidere ipsum Domini corpus, & hoc offerre realiter, pro remissione peccatorum vivorum & mortuorum, adde & in honorem, & celebrationem, vel memoriam Sanctorum in cœlis, &c. Deinde omnem lingue peregrinæ usum, qualis & Latina est, jubet tacere in sacris coetibus. Artic. 22. Cùm ergò talia D. Episcopus adfert, dat sine mente sonum.

I X.

Chalcedonensis autem Concilij Patres, ad Leonem Pon-
tificem Romanum, Act. 3. in Relatione Concilij sic
loquuntur : *Nos convenimus, quibus Tu sicut membris
caput præeras. Rogamus igitur, tuis decretis nostrum
honora iudicium. Et sicut nos capiti adjecimus conso-
nantiam, ita summitas tua filijs, quod decet, adimple-
at. Action. item 2. circa medium, expresse habet idem
Concilium, quod Sanctus Petrus, per Leonem Pontificem
loquatur. Item Action. 14. c. 16. sic habet : Si qua
virgo se dedicavit Deo, similiter Monachus, non licet eis
jungi nuptijs, si vero inventi fuerint, hoc facientes, mane-
ant excommunicati. Hec & multa similia, dicit se
admittere Confessio Helvetica, dum ait, se sincero corde,*

M O L I M E N T

credere comprehensa in Concilio Chalcedonensi, quæ tamen Hungarici Calvinistæ damnant ac rejiciunt, ideoque minimè Helvetici. His Episcopus verbis, theses propositæ probationem septimò & ultimo fulcire contendit.

R E S P O N S I O.

I. C^tetiat cum umbra Dominus Episcopus. Quod enim ex Action. 3. 2. & 14. de auahoritate & dignitate Papæ, item de celibatu Monachorum & Monialium adducit, propositum non tangit, & nihil ad rhombum facit. Confessio etenim Helvetica, paragrapho citato, ut jam s^pius dictum, non dicit se iis omnibus locum posse dare, simpliciter, quæ in Actionibus, Sessionibus, relationibusque Concilii Chalcedonensis occurrunt; Sed secundūm quid, respectivè & determinatè, loquitur, de mysterio incarnationis Christi, de quo quicquid ex Scripturis Sanctis definitum, Symbolisque ac sententiis Synodorum, Nicenæ, Constantinopolitanæ, Ephesinæ, & hujus Chalcedonensis, comprehensum est, omne id recipit, corde sincero credit, & ore libero profitetur. In his verò citatis, ne hilum quidem de incarnatione Christi habetur.

II. Resp. Falsum est, Confessionem Helveticam dicere, ea, quæ citat Episcopus, & multa similia se admittere. Dicit enim se admittere comprehensa in Symbolo Concilii Chalcedonensis, in negotio incarnationis Christi, ut textus Confessionis clarissimè ostendit, quem tamen audax Episcopi glossema pervertere contendit.

III. Resp. Falsum etiam, Confessionē eandem dicere, se sincero corde credere, comprehensa in isto Concilio Chalcedonensi. Ut enim jam aliquoties dictum, ait se corde sincero credere, non comprehensa in Concilio Chalcedonensi, sed in Symbolo Concilii Chalcedonensis, & quidem de mysterio incarnationis Christi, quantum ad istum ultimum, articuli istius undecimi paragraphum. Unde jure meritò cum Confessione Helvetica, ea, & iis similia, quomodounque Dn. Episcopo arrideat, damnamus & rejicimus.

S I S I P H I U M.

IV. Resp. Imò certè ita non essemus Confessionis Helvetica, si Pontificem Romanum, Leonem, caput nostrum, & nos membra ejus: Sanctum Petrum per Leonem, loquutum, diceremus, & Monachos, Monachasque agnosceremus. Confessio etenim Helvetica hæc & similia detestatur. Articulo 17. Ecclesia inquit non potest ullum aliud habere caput, quam Christum. Et paulò post: Non probamus ergò doctrinam Cleri Romani, facientis suum illum Romanum Pontificem, catholice in terris Ecclesiæ militantis, pastorem universalem, caput summum. Ecce quomodo Confessio Pontificem Romanum adorat! Artic. eodem, pag. 44. b. Non agnoscimus aliud caput Ecclesiæ, quam Christum, dicit. Art. 18. pag. 49. b. Monachos & Monachas exterminat. Dicit enim: Cum sciamus certè Monachos & Monachorum ordines vel sectas, neque à Christo, neque ab Apostolis esse institutas, dote mus, nihil eas Ecclesiæ Dei utiles esse, imò perniciosas. Et paulò post: Tales nos in nostris Ecclesiis nec habemus, nec in Ecclesiis Christi habendos esse docemus. Hem quām favet Confessio Helvetica Monachis! Secùs quām Episcopus cogitat & dictitat. Unde consequentia ista: Reformati Hungarici, Papam debere dici caput: Sanctum Petrum per os Papæ loqui: Monachos & Virgines vestales, damnant & rejiciunt. Ergò Confessionis Helvetica non sunt: est consequentia, sponte inde fluenti, prorsus contraria, ideoqueridicula.

V. Resp. Sed ut manum de penna, pennam de charta, ex his omnibus, videat & judicet Deus, Judex justissimus: videat & judicet orbis Christianus: videat & judicet Reformatus quisque in Ungaria miserè oppressus. Primo. Quām optima Episcopus fide, citatum Confessionis Helvetica articulum, citet? Nimirūm, quia truncatè, dolosè, & ad fallendum, callidissimè, non certè meliore, cā, quā Satanus verum Psalmi nonagesimi primi, undecimum: Nam Angelis suis præcipiet de te, ut conservent te in omnibus viis tuis. Apud Matthæum, cap. 4. v. 6. Angelis suis mandabit de te, & attollent te in manus, ne quando offendas ad lapidem pedem tuum. Vel ut Lucas, cap. 4. v. 10. habet: Angelis suis præcipiet de te, ut custodiant te. Secundo. Quo ausu ponat & dicat Reformatos in Ungaria non profiteri Confessionem Helveticam, ideoque homines Confessionis Helveticae non esse? Nimirūm, quia contradictionem involvit, Reformatos Confessionis Helveticae, non esse Confessionis Helveticae, non


M O L : S I S T P H :

alio, quām temerario & sibi contradictorio. **Tertii.** Quo mentis acūmine, ingeniique dexteritate, septem illa, quibus probationem theseos suę intendit fulcire, fragmenta in medium adferat? Nimurum, quia extra scopum & metam, juxtaque melam, quoniam pleraque spuria & supposititia: quoniam omnia extra conciliorum, Nicæni, Constantinopolitani, Ephesini & Chalcedonenfis, symbola: quoniam quædam etiam extra ipsa Conciliorum corpora; verè puerili. **Quartò.** Quo animo, quove zelo, iniquissimam istam & inconsequentissimam consequentiam: Sacram Cesaream Regiamque Majestatem, non obligari tolerare Reformatos in Ungaria, neciat? Nimurum, quia fidem frangendam, juramentum violandum, pacem turbandum, bellum excitandum, Christum in membris persequendum, idolomaniam ab orco revocandam, terram sanguine innocentē implendam, &c. suadet, (si modò persuadere posset:) non alio, quām sanguinario & iniquissimo. Ita ut optimè se, vel hoc ipso probet, ex eorum impurorum, rānisque similiū spirituum numero esse, qui Apocalypſ. cap.

16. v. 13. 14. describuntur. Sed adveniet tempus, quo
justissimus ille mundi totius Judex, rependet uni-

cuius secundum opera ejus. Rom. 2. 6. Omnes
enim sistemur apud tribunal Christi.

Rom. 14. v. 10. 2 Cor. 5.
v. 10. &c.




MTAKADEMA
KÖNYV
TÁRA

Suspirium nostrum.

Veni, veni etiam Domine Jesu! Surge ô Deus,
age causam tuam; recordare opprobrii tui, quo
afficeris à stulto quotidie. Ne obliviscaris vocis
hostium tuorum, strepitus insurgentium in
te! Psalm. 74. v. 22. 23. AMEN,

A M E N!



M O L : S I S Y P H :
 alio, quām temerario & sibi contradictorio. **Tertius.** Quo mentis aqua-
 mine, ingeniique dexteritate, septem illa, quibus probationem theseos suę
 intendit fulcire, fragmenta in medium adferat? Nimurum, quia extra
 scopum & metam, juxtaquę melam, quoniam pleraque spuria & supposititia:
 quoniam omnia extra conciliorum, Nicæni, Constantinopolitani, Ephesini
 & Chalcedonensis, symbola: quoniam quædam etiam extra ipsa Concilio-
 rum corpora; verè puerili. **Quarto.** Quo animo, quove zelo, iniquissi-
 mam istam & inconsequentissimam consequentiam: **Sacram Cæsaream Regi-**
amque Majestatem, non obligari tolerare Reformatos in Ungaria, neciat? Ni-
 mirum, quia fidem frangendam, juramentum violandum, pacem turban-
 dam, bellum excitandum, Christum in membris persequendum, idolomania-
 m ab orco revocandam, terram sanguine innocente implendam, &c. sua-
 det, (si modò persuadere posset:) non alio, quām sanguinario & iniquissi-
 mo. Ita ut optimè se, vel hoc ipso probet, ex eorum inpurorum, ra-
 nisque similiū spirituum numero esse, qui Apocalyps. cap.

16. v. 13. 14. describuntur. Sed adveniet tempus, quo
 justissimus ille mundi totius Judex, rependet uni-
 cūq; secundū opera ejus. Rom. 2. 6. Omnes
 enim sistemur apud tribunal Christi.

Rom. 14. v. 10. 2 Cor. 5.
 v. 10. &c.



MTAJAKÉMA
KÖNYV-TÁRA



Suspirium nostrum.

Veni, veni etiam Domine Jesu! Surge ô Deus,
 age causam tuam; recordare opprobrii tui, quo
 afficeris à stulto quotidie. Ne obliviscaris vocis
 hostium tuorum, strepitus insurgentium in
 te! Psalm. 74. v. 22. 23. AMEN,

A M E N!



M. ACADEMIA
KÖNYVTÁRA

